

元末二



薩天錫集二

遊借榻日觀東恍惚舊夢三湘中鷓鴣聲斷江路
遠青松雨暗春濛濛

梅仙山行

赤星落色漢祚微端門日日腥風吹咸陽秋色壓
宮樹金人夜泣銅駝悲先生袖疏探虎窟漢鼎猶
堪支一足九重烟霧似海深門外何人知慟哭賊
莽白日升高臺玉璽墮地聲如雷周公揖讓孺子
戲絳袍將軍何日來塵飛滄海風擲瓦白鶴身輕
快如馬一聲鐵笛度閩關山月溪風共瀟灑龍爭



虎鬪耳不聞長嘯袖拂松枝雲夜鏞白石煮秋雨
玉佩赤錦飄霞裙先生一去幾千載尚有當年遺
跡在題詩絕壁寄先生頓使林巒顏色改藥爐寂
寞秋草深丹井水落莓苔侵至今火灰化爲土猶
有丹光穿樹林

釣雪圖

天寒日暮鳥鴉啼江空野濶黃雲低村南村北人
跡斷山前山後玉樹迷歌樓酒香金帳暖豈知篷
底魚羹飯一絲天地柳花春萬里烟波蓮葉遠風
流不數王子猷清興不減山陰舟人間富貴草頭
露桐江何處覓羊裘還君此畫三嘆息如此江湖
歸未洗魚煮飯捲孤篷江上雲山好顏色

登雲際題壁

長吟入雲際袖拂日邊霞摩挲織女機柱杖倚靈
槎聞說名泉竒觀倒瀉銀河千丈玉乳濺飛花寄
語陸鴻漸我有武夷茶令僕支鐙僧掃葉鶴看家
不妨茶罷酣歌醉飲直到日西斜滿筆淋漓醉墨
應有山靈夜護林壑動龍蛇秉燭下山去渡口月

籠沙

題四時宮人圖

紫宮風暖百花香
玉人端坐七寶床
鳳凰小架懸
夜月一女侍鏡觀
濃粧背後一女冠
烏帽茶色宮
袍靴色皂手持團扇
不動塵一掬香彎
立清曉一女淺步
腰半朧小扇輕撲
花間蛾淡陰桐樹
一女立手抱胡床
眼轉波床頭細鎖
懸金鍾白鶴雙飛
花影重詞人見此
神恍惚巫山夢裏
曾相逢

金猊吐烟清晝長
美人坐倚白玉床
藍衫一女髻
垂耳手持方扇
立坐傍一女最小
不會粧高眉短
髮耀漆光玉織綠
筓握金翦柳下輕
挽宮人裳金盤玉
甕左右列紅桃碧
藕冰雪涼冰壺之
傍立一女背後隨
以雙白羊手拱金
瓶瀉水忙滴翅灑
雪驚鴛鴦鴛鴦得
水自雙浴美人抱
膝空斷腸

盆池露冷荷半枯
碧波風細雙遊魚
美人坐此碧玉椅
屏山方按碧蟾蜍
倚後二女執纓立
按前二女嬌滴滴
大女手扶小女腰
小女嬌倚大女膝
涼風入樹落翠槐
秋深不見羊車來
金鈴響處吠黃

犬美人悵托芙蓉腮

錦屏三回圍繡床沉香椅上鳳褥光美人端坐袖
雙手臨眉半感愁夜長椅後一女搖白羽一女執
纓更回顧一女烏帽金縷衣玉指纖纖携小女小
女手俛大女腩笑看孔雀雙翠翹可憐美人獨自
坐翠竹雪響風前梢

清明日偕曹克明登北固樓

江南三月萬花柳北固山頭一回回首東風吹綠楊
子江灩灩江波瀉春酒况乃又是清明天元從一

飲三百錢英雄一去幾千載當年飲者今何在陌
上家家列紙錢孫劉高塚何人拜三月三日風又
暖千家萬家桃李開少年白日騎馬去滿城紅雨
拂面來共君且須飲一斗處世不必歌七哀孫劉
事業果何在百年斷石生蒼苔

送廣信司獄

江城六月涼雨餘吳郎買舟之鵝湖江南酌別酒
滿壺酒盡落日青天孤如君俊氣江海少奇語驚
人天所寶春鶯乳燕綠窻深酒醒夢回銀燭小江

東子弟多少年見君手采如神仙時明刑措日無
事檀板且下鵝湖船鵝湖山下秋稻熟鵝湖山前
秋水綠五風十雨樂太平肯使人間有冤獄

和友人遊鶴林韻

何人結屋山之阻剩水殘山半間與竹院東風僧
未歸落日樓臺自鈴語劉家事業今沉淪空餘黃
鵠青嶙峋孫家氣槩果何在當時未必分僞真可
憐處士若馮道安得罵賊如張巡百年往事空自
日萬山花落如紅塵不如掃地傾二斗徑造何必

問主人東廊西廊雲不掃白鶴歸來立華表沈郎
敲棋山鳥驚陳郎落筆龍蛇遶葛公飲酒不論錢
何必三茅求悟道烏髯白面郭將軍痛哭長歌寫
懷抱了公絕若耳不聞何處深山拾瑤草倚歌和
者病叅軍了窻病起風日好茶蘼滿庭香雪晴柳
花簾幕倦春曉人生樂事當勝遊山堂作者半日
留古來此事誰不樂只恐人去山靈愁

高堂劉侯定齋野友亭

淮陰季年韓將軍狡兔已歿走狗烹沛中白髮周

將軍碧色已滿細柳營何如高堂劉將軍太平不
許矢石勲棹頭青海無傳箭天山掛却烏角巾歸
來買地築小亭潔水爲鏡山爲屏樵人溪叟日相
過野歌村舞醉復醒去年偶爾劔戟鳴潼關馬過
戰血腥白頭老子如不聞牛背一笑千山青

賀山長丘臣敬復淮西田

鄞城公子人中英天恩教領來國城秋霜滿區老
劔鳴開口磊落肝膽明前年歲豐夏無麥去年雨
足秋無粟先生激烈氣不平館下誰令有饑色揚

眉掉臂傍無人義動天子耳目臣誰人歸我三千
里坐令花席回陽春只今寒士望梁棟文梓高梧
天所用諸生食飽待先生日午杏壇看舞鳳

補闕歌

錢塘三日風雨急古銅夜光飛霹靂是知神物出
人間猶帶吳宮上花碧玉橋素練懸銀河支機女
兒飛鳳梭蝦鬚風軟亂織影春水日晴生潮波破
窻冷硯留不得零落江南酒家客狂歌索酒仰面
歌誤擊紅籌唾壺裂何人進入蓬萊宮銀屏碧幙

珠簾重此生補闕亦何用玉龍瀉水流芙蓉

過淮河

淮水清河水黃出門偶爾同異鄉排空捲雲若飛
電隨風逐浪庸何傷東流入海殊不惡萬里同行
有清濁

擁爐夜酌嘲張友寄詩謝

張生不好飲飲酒如飲藥得酒味濡唇形影先落
泥野人飲不辭飲盡盃中涸酒渴向茶煙松風語
幽壑芳山道士胡不來一夜燈花向人落

送友人之京

霜高木落河始冰臺郎別我之燕京朔風迎面飛
鳥盡臘雪打帽鞭馬行新年捧表拜闕下春寒詔
賜玻瓈觥朝官如問小叅軍爲言卧病丹陽城

題南宮子蠟嘴圖

南宮山人何俊奇小窻睡起涼雲飛野棠秋早霜
子熟枯木葉高蠟嘴肥滿前粟粟甘爾口政猶癡
心落人手五陵年少知爾名一飽無人早回首

西樓別寄闔憲諸公

八月八日溪上別溪上彩旗紅獵獵離情已逐渡
江雲邊草連天翦秋色玉驄金虎諸大夫欲別不
別留斯須沙明淺渚白鳥下酒盡落日青山孤丈
夫有淚不須灑去客掛帆君上馬悠悠回首各東
西惟見西溪捕魚者闔關一片月太行一片雲鴈
書遠寄隔山嶽雲飛月明多憶君

贈別鷺峯上人并引

予遷官出閩過建陽會同年契世文邀予至
其家因登溪閣俄聞茂林脩竹間有絃誦之

聲詢世文乃靈山上人也頃之相會閣上矍
然如鶴悠然如踏雲出所作詩一帙蕭然有
林下風也予南出閩世文亦將赴官編修鷺
峯送予溪上徘徊顧望有不忍別意鷺峯湖
南人本姓歐陽靈其釋名鷺峯其自號乃座
主翰林侍讀歐陽之族雖緇流而其家學有
自云

建溪秋高山水清溪邊偶識衡陽僧臨水洗鉢掛
溪閣夜訪校書天祿燈聖經佛偈通宵讀苜蓿堆

盤勝食肉回鴈峯南難寄書武夷洞前堪煮粥西
風獵獵吹水寒相送郎官南出關校書公子玉京
去衡陽上人何日還手中玉杖春雨綠母乃湘君
廟前竹胡不截作雙鳳簫吹作來儀舜庭曲古曲
雅以淡天高難上聞不如且拄杖頭月歸卧祝融
峯畔雲

送馬伯庸子之京

欲晴不晴天氣慳欲別不別人語難丈夫意氣自
磊落握手一笑心與肝南宮子弟吐金縷何必樽

前花解語樹搖晚翠下風涼燭落春紅剪秋雨高
歌痛飲如有神醉吐不惜車中茵明朝送子上船
去回首江南江北人

送韓司業

楊花落盡梅子青丹陽酒滿雙玉瓶使君買舟渡
江去落日淡淡波溟溟先生抱才登館閣東壁文
采光龍廷自憐落日江湖上爲言蹤跡如雲萍

蒲萄酒美鱒魚味肥賦蒲萄歌

楊州酒美天下無小槽夜走蒲萄珠金盤露滑碎

南唐書卷二
三十九
白玉銀甕水暖浮黃酥柳花吹盡春江漲雪花鱗
魚出絲網李郎載酒過江來開酒斫魚醉春晚世
事反覆如榜蒲會須一飲空百壺淋漓官袍亦奇
士夜起看對青燈孤

江南春次前韻

江南四月春已無黃酒白酪紅櫻珠吳姬小醉弄
絃索十指春雪如凝酥池塘過雨春波漲風捲楊
花落蛛網翠眉新婦歌春愁白馬少年歸日晚遊
魚水淺出短蒲誰家銀箭飛金壺日長睡起翠陰

午簾外忽過流鶯孤

送鶴林長老胡桃一裹茶三角

胡桃殼堅乳肉肥香茶雀舌細葉奇枯腸無物不
可用寄與說法談禪師竹龍吐雪澗水活茅屋煙
炊樹雲薄竹院深沉有客過碎桃點茶亦不惡

寄省郎沙子丁

憶昔射策官明光序列前後如鴈行不才瘦馬走
州縣君已落筆中書堂巍巍中書開大府宰相出
入勢如虎省郎夜直殿燭長紫薇花間月當午有

人此際猶未還政與士卒夜守關風吹衣裳露被
面舉目只是水與山嗟余同時異其苦何時逢君
傾一語典衣爲買小紅舟剪燭西窗聽秋雨
夏夜積雨霽陰雲不收病坐南軒月復出
積雨已歛雲不明淡月忽出戶牖晴幽人開窗看
月色投入懷抱亦有情數宵相連爾何在應駕老
蟾出東海今宵見爾不得眠未脫人間女兒態愛
渠中夜雪滿庭照出飯顆山頭形何人此際步微
影玉堂珂珮風冷冷

連夜雨晴

石榴花紅細雨白江南四月天氣涼須臾雲散忽
晴色滿院花樹生幽香幽人抱病無可語日出南
窗看晴雨小兒造化多戲人世上俗子徒勞神

題郭元二公畫壁

兩山出沒如虎頭爭竒角惟不肯休一山如龍入
雲去一山化作長江流峻嶒相雄不相下欲向人
間索高價塵中有客語如狂龍者可先江者亞一
笑上馬歸醉眠麴生使我多妄言酒醒忽記夜來

語先者姓郭亞者元

次韻休上人見寄

山深樹密鳴鴉肥
山人得句多清竒
深沉竹院山日靜
焚香自禮天人師
門前雨過岩花活
涼風蕭蕭袖衣薄
狂隣卧病在江城
懷抱思君空作惡

復次前韻柬龍江上人

山中酒熟黃鷄肥
閉門索句何瑰奇
何人剥啄急如雨
門前忽見黃冠師
揮毫落紙龍蛇活
愧我無能才思薄
欲飲師更酒柳楊枝
瘡鬼林頭敢爲惡

夜坐贈秀才

青原故人貧且窮
燕山野客疲且聾
擁爐不覺殘火白
開窻忽見月明東
乃知清景不可得
得詩一笑衰顏紅
夜深吹燭且睡去
樓外落鴈呼霜風

夜坐分韻得此字

逢冬亦欲鄉風舉
客舍蕭條念閭里
夜寒鐵馬嘶北風
漏下銅壺凍春水
床頭斗酒復何爲
燈下三豪猶在此
明朝一馬氣如雲
揮劍長歌爲君起

曉起

烏鴉啞啞霜樹晴紙窻潑眼春雪明野人卧病睡
方起官街踏踏聞馬行矮窻小戶坐終日煮茶繞
坐松風生明朝呼兒刷駿馬出門一笑青天橫

賡眠字韻

去年走馬尋陽關五里十里逢烽烟孤臣泣血紫
塞外壯士倚劔青雲邊今年卧病在江海呼兒夜
讀歸來篇結茅松壁知何日飽聽一枕松風眠

賡覆字韻

朔風吹帳滅前燭將軍夜擁貂裘宿玉關飛雪入

紫宮白髮孤臣守金屋近思往事良可悲世事樗
蒲多反覆古來宮殿說咸陽落日猿啼掛枯木

送友人之金陵

陳郎買舟上金陵寒江水落風浪小飛帆遠掛蔣
山青空城畫角秦淮曉白門酒美共濃城吳姬喚
客客不行樓中子弟盡年少玉奴行酒吹鸞笙陳
郎不聽黃金縷朝走東吳暮走楚半生落魄一故
袍感慨長歌吊千古六朝遺跡生暮煙故家荒塚
迷花鈿鳳凰臺上醉李白何人知子囊無錢

元子遊戲竹木

元君磊落誰與同，秃筆一掃俗子空。蕭條瘦竹卧
踈雨，槎枒老樹懸春風。野人卧病在京口，見君此
畫心神融。何人識此歲寒景，爲我進入蓬萊宮。

送惟英之淮安

江南木落天欲霜，故人別我之淮鄉。野人一月病
在床，不能送子河之傍。殷勤拂子衣，上黃呼子醉
酒三百觴。歲寒歸計不可忘，吳門白髮遙相望。

同友人楊子江送客

將軍之馬駿，且雄葛仙騎之如遊龍。金陵之酒香，
且冽葛仙飲之豪興發。馬上送客楊子津，下馬飲
客金陵春。主人上馬客已渡，回首江南江北人。

題江鄉秋晚圖

沙頭潮下秋水枯，雲山落日雲模糊。草堂遠近路
長驅，蕭蕭行李行人孤。蹇驢渡橋歸思急，村南村
北天秋色。何者相呼鷄犬聲，山前山後烟樹立。江
風水面吹殘莎，打魚小艇如飛梭。何人盪槳立船
尾，釣者船頭腰半駝。小李將軍不可作，粉壁流傳

愁剝落石門守者猶可竒
柱杖敲門索新跋京口
綠髮叅軍郎見君此畫心
卽降携家便欲上船去
買魚煮酒楊子江

爲九江方七高賦

匡廬山中有佳士讀書結屋青雲松碧窻夜影紫
翠動落日照見香爐峯窺燈夜壁山鬼過采蘭東
徑仙人逢危簷墮雪聽風竹古寺隔嶺聞煙鍾每
思幽絕動歸興歲晚落葉迷行踪扁舟何日過湖
口分我半壁青芙蓉

將至太平驛卽興

上灘泊處無十里舟人鼓舞家家喜到驛歡呼如
到家明日舟行復如此驛行傳食過年年何日歸
種淮南田玉堂金馬雖云貴白酒黃鷄不論錢

中秋月夜泛舟於金陵石頭城

秦淮流水西復東倒涵天影磨青銅飛廉掃空出
海月明珠飛入琉璃宮着我扁舟二三友江上雪
槎泛牛斗笑語人間兩岸燈進君江上一尊酒醉
來起舞聽浩歌宛如玉樹春風和世間樂事古來

少天下月明今夕多六代江山自瀟灑潮落潮生
石城下人生得意當歡遊此月此水年年秋

曉上石壁灘

龍溪三月人上船十里五里灘聲喧浪花飛雪灑
石壁船尾落月傾金盤越兒卧篙頭刺水露重布
帆風不起近山鍾動石樓中隔水鷄鳴煙樹裏過
江日日水與山詩人得趣如得官白雲遙在太行
北何日歸舟下石灘

過臨平

昔人五月臨平路汀洲藕花滿無數此來三月過
臨平雪白楊花捲波去楊花捲盡藕花開今人古
人俱到來欲向山陰尋賀老酒船到處且徘徊

越溪曲

越溪春水清見底石罅銀魚搖短尾船頭紫翠動
清波俯看雲山溪水裏誰家越女木蘭橈髻雲墮
耳溪風高采蓮日暮露華重手滴溪水成蒲萄盈
盈隔水共誰語家在越溪溪上住蛾眉新月破黃
昏雙櫓如飛剪波去

紫溪道中

三月晦日春欲還深林百鳥鳴間關綠雲迷合紫
溪嶺白雨遙掛烏石山山高雨落不到地萬壑千
巖灑飛翠遠人送春千里歸風送藍輿野花墜間
關咫尺上青霄海上三山路不遙地僻題詩公事
少芙蓉帳裏紫雲飄

溪行中秋翫月

并序

余乃薩氏子家無田囊無儲始以進士入官
爲京口錄事長南行臺辟爲掾繼而御史臺

奏爲燕南架閣官歲餘遷閩海廉訪知事又
歲餘詔進河北廉訪經歷皆奉其母而行以
祿養也後至元三年八月望舟泊延平津是
夕星河燦然天無翳雲月如白日溪聲潺湲
若奏樂四山環抱如拱如立如侍左右奔走
執事者薩氏子奉母坐船上與其婦具酒餽
盤饌奉觴上壽繼而若妹若婿若婢若僕以
次而進和而不褻謹而怡怡月色蕩酒而溪
韻雜笑談毋懽甚至舟人醉飲亦相與鼓枻

作南歌而樂今夕何夕不知奉親之在異鄉也嗟夫昔人所謂宦遊之樂不如奉親之樂實天樂也薩氏子於是命婦盥爵滿以酒再拜爲母壽而作歌曰

龍津秋水涵太虛今夕何夕光景殊皓月當鏡星貫珠河漢倒影垂平蕪微波漾漾風徐徐新涼拂拂飄裙裾阿母今年八十餘清晨理髮雲滿梳起居儼重天人如有子在官名在儒奉母祿養南北區晨昏不忍離斯須荆楚燕趙閩粵吳今年去官

南海隅北上咫尺天子都官船軋軋如安車阿母坐卧襟懷舒清晨夜泊不知拿母在船上重褥鋪芙蓉映水搖氍毹開甕酒熟浮新蛆秋園摘菓雨剪蔬船尾曲突通行厨家鷄水鴨美且腴鯉鯽鮮大如江鱸奉觴酌酒前拜趨月波蕩酒如浮酥子爲母壽婦壽姑阿妹次進偕婿夫酌獻亦及婢與奴熙熙春盎無親踈行禮有節俱歡娛阿母笑語情愉愉有婦右策兒左扶舟人醉飽從歡呼鼓枻節歌聲嗚嗚四山疊翠開畫圖溪瀨漱石如笙竽

震壺酒盡村可酤盤饌狼籍溪可漁人生此樂更有無異鄉到處同里閭惟期毋壽莊椿踰有子願效返哺鳥作詩記實無浮譽至元丁丑仲秋書

黯淡灘歌

長灘亂石如疊齒前後行船如附蟻逆湍衝激若登天性命斯須薄如紙篙者倒掛牽者勞攀崖仆石如猿獠十步欲進九步落後灘未上前灘遭上灘之難難於上絕壁雖有孟賁難致力灘名况復呼黯淡過客攢眉增嘆息下灘之舟如箭飛左旋

右折若破圍歡呼踏浪棹歌去晴雪灑面風吹衣飛流宛轉亂石隘奔走千峯如馬快賈客思家一夕還傳語灘神明日賽下灘之易易如盤走珠瞬息何可停斯須長風破浪快人意朝可走越暮可吳迺知逆順有如此逆者悲愁順者喜請君聽我黯淡歌順則流行逆須止順者不必喜逆者不必愁人間逆順俱偶爾且得山水從遨遊

雲際感興

昨日登芝峯茲晨陟雲嶺俯視城中居萬瓦落深

井風露灑灑生秋寒飛泉落澗聲潺湲筍輿軋軋
度修竹石闌曲曲躋層巒層巒絕頂天尺五我欲
排雲擊天鼓九關虎豹不須驚吐膽開心見天語
天鼓不可擊天門何日開請君聽我紫芝曲手招
白雲歸去來

百禽歌

漢密將軍開大府門外紛紛客如雨繁絃急管耳
厭聞要聽山中百禽語購求走馬東海頭海頭百
禽聲啾啾疾飛苦走亦不免能言有色貽身憂將

軍縱使花作屋不似山林有真樂江南白苧細於
絲紫竹方籠作青幙鸞鳳在野麟在郊太平將軍
胡不招簫韶一奏百獸舞玉帛萬國皆來朝嗟嗟
百鳥何足錄日食將軍太倉粟色衰身外螻蟻分
不補將軍一彎肉箇中鸚鵡最能言不說輿夫行
路難萬山雨暗泥滑滑不如歸去聲亦乾行不得
也哥哥九關虎豹高嵯峨行不得也哥哥

雨傘

開如輪合如束剪紙調膏護秋竹日中荷葉影亭

亭雨裏芭蕉聲簌簌晴天却陰雨却晴二天之說
誠分明但操大柄常在手覆盡東西南北行

梳頭樂府

紅綃捲袖推劒聲摩挲睡眼窺秋菱陽臺夢斷不
知處一片烏雲愁欲傾一鈎新月楸雲起月漸低
流蘇草地玉纖盤轉戲龍形寶釵壓定飛鴉翅撩
春撥曉誇自然黃金覆燕珍珠蟬白頭老嫗低低
笑不覺婆婆二八年

燈草

天涯何處無青青王孫去後蘼蕪深瑤田手種綠
玉髮道是無情却有心此心未明人未識金篦剖
腹森如戟撮將一縷玉虫兒散作萬家紅粟粒侯
門珠網百面霞秦樓玉樹雙頭花慧燈莫與群迷
染正性何愁慾境遮韓堂風露光微顫萬古聖賢
對回面但勤挑剔不憚勞萬炬金蓮紅藥院

胡桃

武陵仙子裙如血不肯洞中事幽絕東風吹珮嫁
西羗生子稜稜剛似鐵道逢賈客懷故山遣兒隨

客東南還銅鈴破曉廣沙漠蠟彈絨愁度玉關瑤
池阿母沉吟久何物外孫如此醜撇歸鸚鵡不
頭欲啄無由堪下口誰知造化無秋春人間枯槁
中清浮請君剖破渾淪看會見滿腔都是仁

芒鞋

東家西家賣芒屨南州北州多岐路嚴霜烈日太
行坡斜風猛雨瓜州渡南人求利赴北都北人徇
利多南趨朝朝迎送名利客身身消薄非良圖人
負屨屨負人草從土生復歸土人兮履兮不知所

繡鞋

羅裙習習春風輕蓮花帖帖秋水擎雙尖不露行
復顧猶恐人窺針線情縑雲隱暎籠新月花影依
稀襯香頰彩鳳將翔相顧飛鴛鴦謾語愁舟裂落
紅濕透胭脂膩半幅凌波剪秋水莫教踏破浣溪
沙濕重東風擡不起

燈蛾來

燈蛾勞燈蛾勞粉其面錦其袍遶燈不去千百遭
忽然性命輕鴻毛一鳥歿百鳥號一獸歿百獸嗥

爾爲微物不自覺往來就成何滔滔燈雖滅燈復
多蛾兮蛾兮奈爾何

燈蛾來燈蛾來遶燈不去飛徘徊清光紅焰午夜
開忽然性命隨飛灰平生不傍太陽裏何故趨炎
來就成人生有情皆愛身何故將身爲戲爾

飛如

雌雄相對鳴鳴鳴翅翎無異顏色殊營葉寄養出
人力安心飲啄還哺雛借問何修得如此世上群
禽那可比不疑不詐已戀人自去自來人信已曉

天空濶風日清雕籠衫袖相賫擎得時可展青雲
志回首無忘白屋情蒼鷹繫紫鶴籠窄以身誤人
穎愈力吁嗟此鳥得人憐有性有情非一日

長門秋漏

上壺注水水縷明中壺激箭移銀星銅龍宛轉吐
余毒悶殺長門不寢人情雲心上如火色淚濤濕
透銀蟾白三百六旬尚可支二十五聲消不得何
人夜扣相如扉千金買賦成何遲男兒酒後多情
思此意文君知不知

北人上塚

南人城南逢清明北人望北號哭聲人生何處問
南北春秋霜露俱含情天涯芳草何青青杜鵑口
血花冥冥酪漿一壺麥一飯香火照日藏流螢自
言家住大河北閩巔相望六十六血氣尋尋呼應
聲音容皎皎常在日虛名薄利非良圖故山松柏
號夜狐兒身有祿親不待親墳無主兒義辜低頭
再拜襟盡血行路人情爲慘切紙灰低拂綠楊風
盃瀝澆殘沙上月人言朔客鐵心腸誰無半餉情

慘傷宦遊旣知離別苦何如拂衣歸故鄉

枯荷

紅雲一夢何茫茫綠榮瘦骨擎欲僵愁多有魂吊
秋水故池日夜淒新霜鴛鴦相顧魂已泣白魚起
身銀尺立堂中書客感秋風一片青衫和淚濕

春別

花氣壓簾不愁掃細雨粼粼長芳草玉釵燕尾剪
春寒坐惜流年鏡中老東風吹柳人不知春嬌滿
眼顰雙眉吳松錦字夢中得曉來月落聞烏啼南



原件短缺

P45-P46

市子集卷二
園日暖蝴蝶醉香霧熏人海棠睡朱門小立蹴金
蓮落紅起作離人淚

南臺月

城南江上逢中秋城南石梁初截流長虹一道貫
秋色中分百里江南州殘露消盡魚尾黑金蛇翻
動三江白冰輪燿出碧玻璃照見釣龍臺上客臺
中之客懷古心黃河太華三登臨今年携月醉臺
畔越水越山爲月吟無諸城裏人如海無諸故塚
埋殘靄無諸臺上草離離龍去臺空三十載昔龍

長瑤草白雲滿地不歸來石爛松枯天地老



原件短缺

P1-P4

陸天錫詩集卷二

陸天錫詩集

元陸都刺 天錫甫 著

明潘是仁 訥叔甫輯校

五言律詩

送聞師之五臺

聞子初識面天涯任去留西風洞庭樹落日楚淮
舟歲月棕鞋底江湖竹杖頭丹陽纔洗鉢又入五
臺遊

題北固山無傳上人小樓

甕城春寂寂石磴草斑斑倚杖高低月登樓遠近
山百年詩句裏三國酒杯間自嘆黃塵客來消半
日閑

送石民瞻吳江訪友

老友吳江去吳江水尚高一樽散鱸膾四月過櫻
桃矍鑠綠玉杖風流白紵袍西窻故人夜應是動
揮毫

鍾山曉行

樓閣龍雲氣蒼茫第幾峯長風萬松雨落月半山

鍾石磴盤空險僧廊落葉重吾皇曾駐蹕千古說
蟠龍

和學士伯生虞先生寄韻

白鬢眉山老玉堂清晝閑聲名滿天下翰墨落人
間才俊賈太傅行高元魯山獨憐江海客樽酒夜
闌珊

投宿龍潭道林寺

倦遊借禪榻客意稍從容落日江船鼓孤燈野寺
鍾竹鷄啼雨過山日帶雲春半夜波濤作長潭起

卧龍

寄舍弟天與

鴻鴈飛南北關河隔弟兄
水通鄖子國舟泊漢陽
城落木風霜下高秋
鼓角清故人如有意爲我道
鄉情

送景南上人歸江西

登高傷遠別鴻鴈幾行飛
萬木江頭落一僧船上
歸故山秋嶂遠殘日晚鐘微
亦有同袍者多應候
竹扉

偕趙逢吉避暑石頭城日暮余歸逢吉留宿

山中次日寄逢吉并長老珪白巖

行下一僧坐城頭獨客還
星河下平地風露滿空
山犬吠松林外燈明石壁間
故人借禪榻心共白
雲閑

鳳凰臺望祭進士鄭復初錄事

已矣鄭錄事功名與願違
鬚翹如插戟體弱不勝
衣白日長江去青山何處歸
崇臺三酹酒目斷鴈
南飛

夜宿昇龍觀

舊日宸遊地朱欄護輦紋龍飛九天雨鶴夢一龕
雲神火丹爐見仙音客枕聞殷勤謝道士深夜禮
茅君

秋日雨中登石城訪長老珪白巖不遇

石頭城上去紅葉雨紛紛半日不見路四山都是
雲魚龍隨水上鐘磬隔江聞遙憶南庄叟天寒補
衲袂

同朱舜咨王伯循登金山妙高臺

幾年無此客同上妙高臺落日地中去長江天際
來英雄成往事歲月付啣盃無限登臨意舟人莫
重催

寄御史王伯循

曠達王夫子才高早避名昨離建業水今住廣陵
城有酒從人飲無田藉筆耕竹西燈火夜誰識繡
衣行

九月七日舟次寶應縣雨中與天與弟別

解纜不忍發船頭雨濕衣汝兄猶是客吾弟獨先

歸行後關河遠虛名骨肉稀如何淮海鴈不作一行飛

泊舟黃河口登岸試弓

泊舟黃河口登岸試長弓控弦滿明月脫箭出秋風旋拂衣上露仰射天邊鴻詞人多膽氣誰許萬夫雄

送南臺從事劉子謙之遼東

往復途萬里嗟君已兩行朔風吹野草寒日下邊城策馬犯霜雪逢人問路程歸期在何日應是近

新正

錄囚河間還司送憲使韓仲宜調山東

尚想分司日人生類轉蓬同行三伏盡此別幾時逢雪竇泉花白霜林柿葉紅山東好風景少駐莫匆匆

苦雨水溢呈憲司諸公

病客如僧懶多寒擁毳裘三山一夜雨四月蒲城秋海瘴連雲起江湖入市流釣竿如在手便可上漁舟

立秋日登烏石山和揚子承

海國山西圍繁華坐消歇樓觀沉夕陽鴻鴈下秋色水邊無麗人石上多古刻感此暮歸遲秋露滿山白

登烏石山仁王寺橫山閣

千尺青蓮座煙霞擁地靈山川幾繙展日月兩浮萍烏沒大垂海龍歸水在瓶深堂說法夜應有石頭聽

送觀志能分德君字忠能與僕同榜又同南

臺從事考滿北還

登臺曾並轡射策又同文八月中秋別三年此日分風霜下木葉鴻鴈渡江雲無日不思我有詩還寄君

過采石驛

客路青山外鄉心落照邊澗煙浮野樹涼雨過淮天水調誰家笛江帆何處船蛾眉臺上月今夜照孤眠

題焦山方丈壁和僧韻

故人不忍別野景亦相留白鴈寒沙月黃雲老樹
秋風霜侵客髮鼓角入邊愁滿目關河興登臨倦
倚樓

送李恕可隨王宗師入京

借得茅山鶴乘風飛上天江聲近九里客路已三
千禁闕紅雲上家鄉碧海邊待聞金馬詔復見玉
堂仙

送莫秀才歸番陽

番陽秋水落白下買船還遠夢驚新鴈歸帆識舊

灣打碑過薦福携酒看芝山却憶曾遊處清溪萬
柳間

寄朱縣尹

纔入金川境行行望眼賒亂山迷驛路一水護人
家地僻民安業官清縣少衙江東賢令尹心地似
梅華

寄石民瞻

京口石彭澤詩懷似鶴形蒼天容老健白髮照江
清夜鼎薰鷄舌秋袍織鳳翎醉扶綠玉杖應望石

頭城

題舊縣驛

高樹日停午斜飛燕子風一身千里外孤館萬山
中作客辭家久聞人問歲豐村村桑柘柳羸馬厭
西東

題江東精舍

長日重門靜幽居曲徑深開樽臨沼上移席就簷
陰竹亂鳥聲散萍開魚影沉能文李公子抱膝但
長吟

題紫薇觀馮道士房

卜築長江上回峯晚更奇山村猿索飯竹屋鶴聽
碁雲護燒丹竈泉香洗藥池道人足高興不許俗
人知

正覺寺晚歸贈益山長老

粥魚聲已罷日暮掩柴扉送客月在地出山雲滿
衣燈明聞犬吠松暗見螢飛深夜長廊靜多應獨
自歸

次崔鎮壁間韻

木落歲時晏黃雲欲雪天買舟河下客立馬渡頭
船野迥風欺帽天寒袖裹鞭夜眠三鼓後曉發五
更前

寄王御史

御史傳天語飛霜到海垠浙江潮似雪閩上臘如
春孤客見明月亂山愁遠人何時動歸興家有白
頭親

送管元帥南征

楚帆風一葉此去幾時還日暮漢江碧雨晴湘竹

斑邊聲連草木野色動荆蠻決策平徃後歸心北
固山

過淮安暢曾伯都事幽居二首

萬事歸來好淮陰二畝園教兒書滿架遇客酒盈
樽野水到門外漁船繫樹根除書下霄漢坐席恐
難温

又

幽居有真趣何必在山村楚竹深藏屋淮河直到
門釣絲魚浪細書帙燕泥昏吟笑坐終日佳期誰

與言

過高唐感事

殘雪覆碧草
淒風吹未消
王孫去不返
魂魄又誰招
往事如春夢
無人問早朝
荒陵斜照裏
松樹晚蕭蕭

寄省郎郭天錫

人道省郎好
簿書清晝閑
惟公不自喜
忽爾要思還
酒債西湖路
歸心北固山
閑愁且拋却
莫遣髮毛斑

送金德啟之句容

元宵能幾日
君去獨何心
縣市春燈亂
山村夜雪深
鄉情猶越分
詩句盡唐音
後會逢寒食
晴光滿樹林

贈詵笑隱長老

佛宮天上有
人世見應稀
客遇鍾鳴飯
僧披御賜衣
青春忘蝶夢
白日說龍飛
遙憶宸遊處
金蓮照夜歸

都下同翰林諸公送御史尚遊題紫駟馬

御史紫駟馬今朝行且嘶遠烟芳草露細雨落花
泥蹋月飲淮水隨雲過汴堤遙思鄉旆口曉立聽
朝鷄

鍾山遇風雨二首

城市多駑馬清遊有幾人山靈飛白雨朝士說紅
塵雲起鍾樓暝桃開野寺春上人歸太晚誰主復
誰賓

又

遊樂有深處豈知行路難山風吹馬倒松雨滴花

寒丘壑籃輿轉花臺石磴盤吾皇千萬壽曾此駐
金鑾

龍潭送侍中田美中携酒十里作

公子青驄馬追隨十里遙風頭雲葉凍酒面雪花
消惜別頻回首無因見舞腰君歸金帳暖無限可
憐宵

送道士良豸還楚丘

淮水春帆動山城積雨餘南臺去千里北闕有三
書白下曾行馬黃河可膾魚廟堂公論在君去莫

躊躇

寄習思敬

深冬殘雪夜醉臥玉山樓風勁銀爭響花垂絳燭
流連床無客夢中酒失鄉愁歲月如流水憑高憶
舊遊

寄中臺照磨子徵

中臺高百尺幕府得姚郎洗面風生雨鳴珂月照
霜詩成裁畫錦酒飲賜天香獨有無媒者臺城立
晚涼

病起城東晚步

扶病誰同步尋幽思不郡逢僧穿竹去吹笛隔林
聞山勢浮雲合溪流野水分徘徊歸晚迳樹影月
紛紛

次韻郭侍御

江左風流在長懷晉謝安愛山那厭世畏事却嫌
官雲霧天門遠風波世路難臺端有東郭白髮漆
紗冠

寄山岩臺郎

薦士如君子文章立玉泥自登臺闕去不使簿書
迷薄俸無餘積長貧有病妻長安貴公子中酒聽
鶯啼

送宣古木

鐵面小將軍旌旗照海門兵機出孫武膽氣走桓
溫社稷劔三尺乾坤酒一樽茫茫霄漢內此意與
誰論

過賈似道廢宅

賈生亦何者此地起樓臺社稷無人物湖山養禍

胎前朝亡國恨遺跡後人哀落日空江上王宮亦
草萊

送人之浙東

我還京口去君入浙東遊風物孤舟夜關山兩鬢
秋出江吳水盡絕岸楚山稠明日相思處惟登北
固樓

送人

適意無南北相逢江海邊關山千里外風雨一燈
前呼酒友同醉論文子獨賢分襟在今日握手又

何年

寄友

紫禁鶯花老京城
四月初層樓開別酒
小海出銀魚
度日輕肥馬朝天
借蹇驢願言江海上
亦有病相如

范僉事幽居

邑外桑麻長山中
笋蕨甜兒孫薦時菓
燕雀下晴簷
芳草生含路楊花飛過簾
人頭似白雪對客口如鉗

病中書懷二首

半月閉門坐蕭然
遠俗氛病中心似水
門外馬如雲
練杵搗寒月香爐生晝薰
與來覽明鏡太瘦小叅軍

欲向江邊去何時
理釣簑城山入樓近
隣竹過墻多春甕
浮紅酒晴池戲白鵝
閉門且消病俗吏莫相過

大別山

落日在平地蒼茫吳楚秋
人隨孤鶴遠天共九江

流風物吞淮海樓船下鄂州
凭高一登眺不盡古今愁

元統乙亥余錄囚至滄州坐清風樓

晉代繁華地如今有此樓
暮雲連海溆明月滿滄州
歸鳥如雲過飛星拂瓦流
城南秋水盡寂寞採蓮舟

山中懷友六首

遠望空山裏天寒夕夢孤
林昏行魍魎江晚變藤蕪
課議難容我交遊重有吾
論文輕咳唾問俗到

耕鋤

大府超群彥脩材復壯騰
波瀾開白晝羽翼動蒼冥
弱質悲殊調明時欲獨醒
應憐楊執戟寂寞太玄經

何事虛齋裏猶分苜蓿盤
高林容偃蹇衆翼避扶搏
黑夜文星動青天劒氣寒
終南山正好那得悔儒官

自是麒麟種卑栖又幾年
故廬南雪下短褐北風前
歲暮山林瘦天高雨露偏
惟應丈夫志未受故

人憐

卓犖恒山秀相逢幾抱琴五年風雨別四海弟兄
心雲外梅花遠山中桂葉深定知稽叔夜高興滿

雲林

洛社推年久清村照柿林春風何處客芳草獨行
深遺墨收秦刻新詩學楚音別離無一字目斷自

雲岑

送唐卿御史

去去紅塵外秋光滿華嵩故鄉歸衣錦行路避乘

驄未覺長安遠真成冀北空燕山一枝桂回首正

西風

題劉山長雪夜板輿圖

板輿行樂處鶴髮儘鬢鬢人子誰無母劉家獨有
男諸孫嬉掌上阿母度溪南玉宇光連夜顏酡酒

半酣

宿大橫驛

燈火明沙渡牛羊過水西村春千澗落野店四山
齊桂樹偏宜月人家盡向溪秋蟾莫相惱惟聽度

關鷄

溪彷彿中秋望月

去歲南閩客今年此日還中秋八月半一水萬山
間皓月飛圓鏡迴流轉曲環携家共清賞何異在
鄉關

遊梅仙山和唐人韻四首

城郭千峯合仙凡一水分巔崖懸鳥道亂石聚羊
羣苔井分丹水茶爐煮白雲肩輿萬松嶺有客訪
梅君

絕頂尋仙跡寒泉照病容栖鸞多種竹愛鶴莫移
松丹藥人來乞山梗手自春秋深霜葉滿麋鹿日
相逢

仙人不可見借鶴過仙家夜臥千峯月朝食五色
霞祠空風掃葉人去鹿啣花歸隱知何日分爐學
煉砂

洞天何處是休日謾尋真老鶴來迎客隔松長似
人茶爐敲火急丹井汲泉新風景秋過半烟霞晚
更親

平川幽居二首

深隱雲林靜何須負郭田圖書從塞屋鷄犬亦登
仙釀酒尋仙术脩琴借藥錢間過武夷洞來上釣
魚船

九曲溪行盡平川隱者居看家留白鶴度竹借籃
輿架上多丹藥床頭有右書漢廷論封禪應問馬
相如

次王御史韻

江城連日雪騎馬欲何之老樹昏鴉集寒塘落鴈
遲松窻燈下酒竹屋夜深棋寄語王公子幽棲或
可期

和吳贊府齋中十詠

焦桐

憐爾抱奇質無香已自焚材高初偶得音古更誰
聞天海空遺操冰霜見裂紋中官方煮鶴終得舍
夫君

蠹簡

六籍灰寒久名山依舊藏漆痕微有字芸草欲無

香後死嗟猶及斯文豈遽亡世方珍貝葉掩卷一
淒涼

破硯

巨璞何人鑿磨穿偶至今系文虛綠潤雨氣共玄
陰瓦礫開無異塵埃積轉深明光幾携入往事復
何心

殘畫

勝境不可得生綃餘舊圖丹青初彷彿塵土半糝
糊蝴蝶飛疑去波濤折轉無良工今豈肯爲爾一

長吁

敗裘

襲爾亦已久風霜震髮穿其從稚子咲未受故人
憐雅志逾前古深期及暮年纍絲今化盡念汝獨
依然

舊劍

憶昔蛟龍劍提携竟出門紅塵走馬處白日報人
恩歲月銅花澁雲烟牛斗昏淒然中夜舞回首暗
消魂

塵鏡

古鏡色如墨千年獨此留玉臺虫網暗珠匣土花
浮莫笑塵埃滿曾令鬼魅愁蟠龍今已化雲雨夢
悠悠

廢檠

不解照珠翠早同文字盟何年中路弃無復向人
明宿雨高齋夢秋吟廢館情相看幾今夕及此慨
平生

斷碑

零落秋風臥何年破廟碑圖經愁莫載耆舊說頻
移野燒龜文失荒臺鳥跡疑遙知千載後拂拭轉
堪悲

臥鍾

龍簾久推折深埋奈爾何耕民誰睥睨野衲自摩
挲雅奏多年歇銘文幾字靴斜陽荆棘裏長伴舊
銅駝

寄志道張令尹

淮南宣化閣相對石頭城二月風帆過滿江春浪

生青山行不斷綠野盡開耕令尹張公子兒童知
姓名

送人兄弟相別

送兄南浦上情思兩悠悠昆弟難爲別江山揔是
愁櫓聲搖夜月帆影障寒流後夜相思處嗷嗷鴻
鴈秋

玉山道中

積雨千峯霽溪流兩岸平野花多映水山鳥自呼
名人語隨鄉變官船帶月行江南數千里無處不

關情

道中謾興二首

雲氣千峯暝溪流水栢橋竹溪泥滑滑榕樹雨瀟
瀟曲棧鈎崖角垂虹掛嶺腰山家酒初熟或事借
椰瓢

綠樹鶯啼盡山紅映碧蘿一年春事了四月雨聲
多閩海夏無暑山田晚種禾遠人千里別歸思欲
如何

薩天錫五律
卷三

三五



